

Moix Boux Vunz Cungj Miz Diendangz Swheij

每个人都有自己的天堂



Miz sam boux lwgnyez yiengh-neix:

Boux lwgnyez ndeu seiq bi cij rox gangj vah, caet bi cij rox sij cih, gij vahbingz lauxsae bingz de haenx dwg: “Fanjying ngwnh, swheiz mbouj habngamj lozciz, daengx uk cungj dwg gij siengjmuengh mbouj caed-caeq haenx.” De lij deng gvaq doiqhag dem.

Boux lwgnyez ndeu deng daxboh yienq gvaq dwg bouxngoengq, youq

ndaw da gyoengqvunz, de dwg boux hagseng mbouj miz cenzduz he, yisuz yozyen gauj sam baez lo lij gauj mbouj haeujbae. Boh’ au de mbouj miz muengh doiq de naeuz: “Mwngz baenzlawz son cungj mbouj miz yungh lo!”

Boux lwgnyez ndeu gingciengz deng daxboh fok: “Mwngz saeh cingqging mbouj guh, daengxngoengz caenh bae dwknyaen, gaeb nou, daengzcog baenzlawz guh cij ndaej ha?” Sojmiz lauxsae caeuq bangeq cungj nyinhnaeuz de daiq bingz-ciengz lo, caeuq coengmingz di ndeu cungj mbouj nembien.

Sam boux lwgnyez neix faenbied dwg gohyozgyah Aiyinhswhdanj, deuguh yisuzgyah Lozdanh caeuq swnghvuzoyzgyah Dazwvwnz.

Gizsaed, moix boux lwgnyez cungj miz aen diendangz swheij he,

raeuz mbouj fatyienh de, dwg aenvih raeuz lij noix doiq da coengmingz ndeu.

Dangyienz, miz vunz dienseng coengmingz, dwg diencaiz, hoeng dingzlai vunz seng roengzdaeuj couh gig bingzciengz, youq mwh majhung, doenggvaq mboujduenh hagsib, buekguh, comzrom, doeklaeng baenz boux vunz ak miz yungh he.

Boux vunz he mbouj gojnaengz yienghyienh cungj rox, hoeng moix boux vunz cungj miz giz ndei giz coengmingz giz miz yungh de, caemhcaiq gij coengmingz de bouxwnq beij mbouj hwnj. Raeuz wnggai siengsaenq swheij, gaej yungzheih deng gij vah bouxwnq hwk laemx. Haujlai seizhaeuh, cijaeu raeuz swheij bae roengzrengz guh lo, bae ceng’aeu lo, cungj ndaej miz souhaeuj. (Lij Aicinh)



Va’ngaeux

荷花

Ndaw sujgyaj, gou caeuq daxboh daxmeh bae Hangzcouh Sihhuz yawj va’ngaeux.

Ndwn youq henz huz, yawj va’ngaeux ndaw huz, gak cungj gak yiengh, gyaundeir raixcaix! Baenz duj baenz duj va’ngaeux, lumj dahsau gyaundeir nei. Giz gyawj duj valup he, lumj dahniq launyaenq song fwngz goemq naj nei. Giz gya baenz duj baenz duj va’ngaeux hailangh, lumj baenz dah baenz dah dahsau diuqfoux nei, ndwn youq gwnz daiz heiq mbawngaeux dap baenz haenx, rumz iq ci daeuj, aen ndangreux de sawqmwh couh diuq gij foux gig ndei yawj. Youq laj ndit, aencehngaeux youq henz haenx, couh lumj gij daeng gak saek gak yiengh ciuq youq gwnz daiz heiq, sawj daiz heiq engq gyaundeir.

Mbawngaeux youh hung youh luenz, lumj aen buenz-nyawh heuswdsd, youh lumj aen liengj hung baek youq gyang raemx nei, aen lienz aen. Raemxhuz caeuq va’ngaeux doxingj, doqbaenz fuk doz “va’ngaeux” ndaw daswyen he, gyaundeir dangqmaz. Gou cungj maez youq ndaw gingjsaek gyaundeir va’ngaeux bae lo.

(ngeih nienzgaep Yingz Cinhauz)

Naeuz Sing Doiq Mbouj Hwnj

说声对不起

Gizsaed gijhaenx mbouj gvaq dwg gienh saeh iq ndeu.


Ngoenz ndeu banngaiz, gou cingq lienh sij cih, Luz Yez doengzdaiz naengh haenx sawqmwh daemj gou mbat he, gou daiz fwngz dangj dwk, mbouj siengj daengz gonj yenzbit ndaw fwngz bungq sieng aenhangz de lo, de daej lo. Gou it seiz mbouj rox baenzlawz guh, remjnaj raixcaix. Gyoengq doengzhag gip-muengz bae heuh lauxsae.

Lauxsae byaij haeuj gyausz singmbaeu cam gou: “Cwnz Gangh, neix dauqdaej dwg gijmaz saeh ha?” “Gou——gou——” Gou mbouj rox baenzlawz dap, raemxda youq ndaw gvaengzda cienqlulu. Lauxsae cienq naj gvaqbae yawj baksieng Luz Yez le, gvensim naeuz: “In lwi?” Luz Yez

daej ndaej engq haenq lo, lauxsae caenciet bekbek aenmbaq de, naeuz: “Cij sieng daengz naeng, baezlaeng cungj aeu siujsim di. Cwnz Gangh, mwngz caeuq Luz Yez naeuz doiq mbouj hwnj, ndei lwi?”

Ndaw gyausz caemrwgrwg. Hoeng mbouj rox baenzlawz, aen congghoz gou lumj miz rin saek youq nei, gangj mbouj ok saek coenz vah. Seizgan it faen it miux gvaqbae lo, gyoengq doengzhag cungj gip lo, baengzyoux ndei dep daengz henz rwz gou singmbaeu naeu: “Gangj ba, vaiqdi gangj ba!”

Dwg ha, cijaeu gangj ok “doiq mbouj hwnj” sam cih neix, lauxsae couh yienzliengh gou, doengzdaiz hix yienzliengh gou, gyoengq doengzhag hix mbouj gvaq gou. Hoeng——




“Cwnz Gangh, gangj ba, daihgya cungj mbouj gvaq mwngz.” Lauxsae caenciet dwk naeuz.

Dwg ha, mboujguenj dwg mbouj dwg daegdaengq, sieng daengz bouxwnq, couh wnggai naeuz “doiq mbouj hwnj”, neix miz gijmaz saetnaj ne? Siengj daengz gijneix, gou couh cuengq naj roengzdaeuj, sing hung naeuz: “Luz Yez, doiq mbouj hwnj.” Luz Yez gig swhyenz dwk naeuz “mbouj youqgaenj”.

Saehcingz couh yienghneix sat lo. Daj seizde hwnj, gou caeuq Luz Yez couh engq doxndeir lo.

(fouzmingz)



Duz nou iq he okdaeuj ra gwn, youq gokciengz bungz daengz goeng mboujlaemx he, nou iq mbouj roxnaj, geizheih humx goengmboujlaemx cienq gien he.

“Nou iq, gaej humx gou cienq bae cienq dauq, yienghneix dwg mbouj aeueiq gou bw.” Goengmboujlaeux naeuz.

“Gou vih maz aeueiq mwngz ne?” Nou iq cam.

Nou Iq Hag Rox Bonjsaeh Hung

小老鼠学会了大本领

“Aenvih gou rox goengfou!” Goengmboujlaemx han.

“Mwngz rox gijmaz goengfou?” Nou iq cam.

“Mwngz daeuj nyoengx gou!” Goengmboujlaemx enj aen dungx hung de naeuz.

Nou iq youq baihsuix nyoengx mbat he, goengmboujlaemx bi mbat he, youh ndwn maenh lo; youq baihgvas nyoengx mbat he, goengmboujlaemx bi mbat he, youh ndwn maenh lo; nou iq doiq laeng geij yamq, sawqmwh yungh rengz nyoengx goengmboujlaemx, goengmboujlaemx cij bi geij mbat, youh ndwn maenh lo.

“Baenzlawz nyoengx mbouj laemx ne, mwngz ak lai lo!” Nou iq naeuz.

“Gou heuh goengmboujlaemx, gou lienh baenz gij goengfou gou gag miz haenx, mboujguenj baenzlawz nyoengx, gou cungj ndwn ndaej gig maenh, ciuh vunz he cungj mbouj laemx ndaej.” Goengmboujlaemx ndaengndiengq dwk gangj.

“Goengmboujlaemx, mwngz son gij goengfou mwngz hawj gou ba.” Nou iq hozhaenz dwk gangj.

“Ndei ba.” Goengmboujlaemx dapwngq lo.

Nou iq caeuq goengmboujlaemx

hag rox goengfou mbouj laemx lo.

Miz ngoenz he, nou iq bungz daengz duz meuz raiz he, de mbouj buet hix mbouj ndoj, de doiq meuz raiz naeuz: “Meuz raiz, gou hag rox monz goengfou saenzgeiz he, mwngz nyoengx mbouj laemx gou.”

“Gou cij gik ndaej nyoengx mwngz ne, gou iek lo, yaek gwn mwngz daeuj dienz dungxie.” Meuz raiz gangj sat, coemj hwnjbae, dawz nou iq rox goengfou mbouj laemx haenx gwn bae lo.

Mwngz yawj, bonjsaeh mbouj miz yungh, mbouj hag lij ndei gvaq.

(Dunghgoz Binghbingh)